



東坡內制集卷第四

賜熙河秦鳳路帥臣并沿邊知州軍

銀合兼傳宣撫問口宣

元祐二年八月十日



有敕卿等夙分邊寄深識虜情屬此盛秋勞於警備
宜加寵賚以示眷懷

賜熙河秦鳳路提刑轉運茶銀合兼傳宣撫

問口宣

元祐二年八月十日

有敕卿持節宣風久分憂寄調兵乏食想極賢勞宜
有寵頒以彰眷遇

賜觀文殿大學士光祿大夫知永興軍韓縝

茶銀合兼傳宣撫問口宣

元祐二年八月一日

有敕卿釋政廟堂均勞方面兵民之重綏御實勞往諭至懷仍加寵眷

賜皇弟武成軍節度使邠國公德生日禮物

口宣

元祐二年八月十六日

有敕卿棣華襲慶桐葉分封載臨宸肅之辰特致壽康之祝其膺寵錫以介神休

賜朝議大夫試戶部尚書李常乞除汭邊一

州不允詔

元祐二年八月二十二日

敕李常在泮獻賦亦儒者之常挺劍疾關蓋孔門之

事雖然義有輕重理有後先與其自請捍邊治癘疥之疾曷若盡瘁事國幹心膂之憂苟推是心何往非報雖願受長纓而往者卿之本心然自以尺箠而鞭之吾有餘力尚體此意姑安厥官

賜太師平章軍國重事文彥博宰相呂公著

自今後入朝凡有拜禮宜並特與免拜詔

元祐二年八月十五日

敕彥博朕聞凡杖以優賢著之典禮蓋老無下拜書於春秋魏太傅鍾繇以足疾乘車就坐自尔三公有疾以為故事而唐司徒馬燧亦以老病自力對於廷

英詔使母拜今吾耆老大臣 四朝之舊德隆而望
重任大而憂深者惟卿與公著而已 云公著德與卿
而方資其著龜之告豈責以筋力之禮今後入朝凡
有拜禮宜並特免卿其專有為之報略無益之儀毋
或固詞以稱朕意

賜宰相呂公著乞罷相位除一外任不許批

荅 元祐二年八月

夫以才御物才有盡而物無窮以道應物道無窮而
物有盡凡今之患所乏非才以卿薦於愛君必能達
長久之策澹然無我寄在直之權二年于茲百

度惟正事既就緒民亦小康至於微疾之屢攻此亦
高年之常理卿其良食自輔為國少安譬如止水之
在槃豈復勞心於鑿物心且不勞而况於力乎

賜宰相呂公著乞罷相位除一外任不允批

荅 元祐二年八月

朕以天下之大知為君之難有朽索馭六馬之憂有
抱火措積薪之懼正賴多士協為一心朝夕以思彌
縫其闕凡今中外執事膂力之畢陳視吾一二老臣
進退以為節卿若無事而引去人將相顧而自疑而
况邊鄙未寧兵民多故而予左右之老先自求於便

安則夫踈遠之臣何以責其盡瘁勉輔不逮期於有成

賜宰相呂公著乞外任不允批荅口宣

元祐二年

八月二十一日

有敕全德之老朕所仰成大義未安卿當畏去純忠所激微疾自除

賜新除兼侍讀依前光祿大夫吏部尚書蘇

頌辭免恩命不允詔

元祐二年八月二十七日

敕蘇頌朕惟左右正人之求甚難其選以為直亮多聞之益宜莫如卿方虛懷於至言豈曲從於遜避亟

服乃事母煩固辭

迎奉

神宗皇帝御容赴西京會聖宮應天禪院奉

安導引歌詞

經文緯武十有九年中遺烈震羗戎渭橋夾道千君長猶是建元功西瞻温洛與神松蓮宇照瓊宮人間俛仰成今古流澤自無窮

劄子

元祐二年

臣近奉 聖旨撰賜文彥博呂公著今後入朝免拜詔書今又準內降旨麾撰不允彥博辭避免拜批荅

臣謹按禮經八十拜君命一座再至所謂拜君命者傳命而拜非朝見也然且不免周天子賜齊桓公胙曰伯父耄老無下拜公曰天威不遠顔咫尺下拜登受所謂無下拜者拜於堂上非不拜也然且不敢鐘繇以足疾乘車就坐疑若不拜然亦無明文君前乘車豈足為法而馬燧延英不拜蓋是臨時優禮無今後遂不復拜之文祖宗舊例如呂端之流以老病進對之心於臨時傳宣不拜今來彥博公著今後免拜指麾自是朝廷優賢貴老度越古今無可議者但臣是有司合守典禮兼恐彥博公著終不敢當以臣

愚見不若允其所請若聖恩優閔老臣眷眷不已遇其朝見間或傳宣不拜是以為非常之恩臣忝備侍從懷有所見不敢不盡所有不允批荅臣未敢撰取進止

御寶批依奏脩撰允所請批荅進入

賜太師文彥博辭免不拜恩命許批荅

元祐二年

八月二十七日

卿義重股肱望隆堂陛陞廉遠則堂皇峻股肱逸而元首安故出異恩特鑄奇禮而卿深執恭巽力守典刑確然自陳義不可奪勉從其意愧歎于中

賜太師文彥博辭免不拜恩命允批荅

元祐二年

八月二十七日

朕優禮師傅達德齒之尊以亟拜為可略古之道也
卿謹嚴朝廷明君臣之分以不拜為未安禮之節也
道並行而不悖義有重而難移勉徇所陳不忘嘉歎

賜宰相呂公著乞罷相位不許斷來章批荅

元祐二年八月二十七日

孔子曰苟有用我者暮月而已可也三年有成夫以
聖人猶待三年而後成功況其下者今卿助我為治
自以為既成矣乎其未也譬如玉人雕琢玉中道而

易之豈復成豎哉

賜宰相呂公著乞罷相位不允斷來章批荅

元祐二年八月二十七日

古者君臣之間率常千載一遇今聖母在位正身
虛已仰成輔弼雖踈遠小臣猶欲畢命自效而卿乃
以小疾去絕無意於功名獨不惜此時乎勉卒乃
事使百姓富足四夷人安然後謝事歸老豈不臣主
俱榮哉

賜宰相呂公著乞罷相位不允斷來章批荅

口宣 元祐二年八月二十八日

有敕卿之在位為德與民朕意不移徒煩屢請速起視事毋復固辭

賜守司空開府儀同三司致仕韓絳乞受冊

禮畢隨班稱賀免赴詔元祐二年八月二十七日

敕韓絳卿脫屣軒冕頤神丘園不為絕俗之高愈篤愛君之意喜聞冊誥請覲內廷在臣子之誠心卿為盡節顧筋骸之未禮吾所未安

賜宰相呂公著乞罷免相位不允詔元祐二年八月

二十日

敕宰相之責綏靖四方羗人既俘士氣益振長轡遠

馭方資老謀卿不强起孰卒吾事近以二老之故削亟拜之禮而彥博執謙不回朕既從其請矣卿起就位復何疑哉

賜皇弟定武軍節度使開府儀同三司咸寧

郡王侯生日禮物口宣元祐二年八月十八日

有敕眷予母弟誕慶茲辰載詠斯干之祥宜均既醉之福祗膺寵數永錫壽祺

賜太師平章軍國重事文彥博辭免免入朝

拜禮允批荅口宣元祐二年八月十八日

有敕卿勲德愈高謙恭不伐盡事君之禮忘屈身之

有敕卿之在位為德與民朕意不移徒煩屢請速起視事毋復固辭

賜守司空開府儀同三司致仕韓絳乞受冊

禮畢隨班稱賀免赴詔元祐二年八月二十七日

敕韓絳卿脫屣軒冕頤神丘園不為絕俗之高愈篤愛君之意喜聞冊誥請觀內廷在臣子之誠心卿為盡節顧筋骸之末禮吾所未安

賜宰相呂公著乞罷免相位不允詔元祐二年八月二十日

敕宰相之責綏靖四方羗人既停士氣益振長轡遠

馭方資老謀卿不强起孰卒吾事近以二老之故削亟拜之禮而亮博執謙不回朕既從其請矣卿起就位復何疑哉

賜皇弟定武軍節度使開府儀同三司咸寧

郡王侯生日禮物口宣元祐二年八月十八日

有敕眷予母弟誕慶茲辰載詠斯干之祥宜均既醉之福祗膺寵數永錫壽祺

賜太師平章軍國重事文彥博辭免免入朝

拜禮允批荅口宣元祐二年八月十八日

有敕卿勲德愈高謙恭不伐盡事君之禮忘屈身之

勞重違嘉言特寢前命

生獲鬼章文武百寮稱賀宣荅詞元祐二年八月二十

太皇太后

種羗叛換西鄙繹騷首出偏師遂擒元惡安邊之喜與卿等同之

皇帝

凶狡就俘羗戎一震既增吏士之氣亦寬戍守之勞靖寇息民與卿等同喜

八月二十八日入內高班蔡克明傳宣取批

答宰臣以下賀生獲鬼章表

太皇太后

國家偃兵息民函養中外鬼章無故犯順神人棄之雖廟社無疆之休亦將相一心之助封章來上嘉歎不忘

皇帝

朕上承慈訓下盡群策務漸寬於民力本無意於邊功既狂狡之就擒知休息之有日再閱來奏嘉歎于中

賜皇封成德荆南等軍節度使守太尉開府

勞重違嘉言特寢前命

生獲鬼章文武百寮稱賀宣答詞元祐二年八月二十日

太皇太后

種羗叛換西鄙繹騷首出偏師遂擒元惡安邊之喜與卿等同之

皇帝

凶狡就俘羗戎一震既增吏士之氣亦寬戍守之勞靖寇息民與卿等同喜

八月二十八日入內高班蔡克明傳宣取批

答宰臣以下賀生獲鬼章表

太皇太后

國家偃兵息民函養中外鬼章無故犯順神人弃之雖廟社無疆之休亦將相一心之助封章來一嘉歎不忘

皇帝

朕上承慈訓下盡群策務漸寬於民力本無意於邊功既狂狡之就擒知休息之有日再閱來奏嘉歎于中

賜皇封成德荆南等軍節度使守太尉開府

儀同三司荆王頹生日禮物口宣元祐二年八月二十

有敕卿以名世之傑居對父之親乃眷良辰實鍾餘慶宜膺異數之禮永錫無疆之休

賜宰相呂公著辭免不拜恩命允批荅元祐二年

九月一日

卿執德惟一守禮不回不以坐論為安而以拜上為泰使朕不盡養老之意而卿得畏威之道勉從其志嘉歎不忘

賜宰相呂公著辭免不拜恩命許批荅元祐二年

君之視臣譬之手足方責其大不強所難而卿深執謙恭力求避免深惟孔子事君盡禮之義曲從其請以儆情媮

九月一日

熙河蘭會路賜种誼已下銀合茶藥及撫問

犒設漢蕃將校以下口宣元祐二年九月二日

有敕汝等受成元帥問罪種荒既俘凶渠備見忠力各加犒賜用示眷懷

賜保靜軍節度使檢校司空開府儀同三司

建安郡王宗綽生日禮物口宣元祐二年九月二日

有敕位隆將相德重宗藩方秋律之既深紀門孤之多慶宜膺寵錫以介壽祺

撫問劉舜卿兼賜銀合茶藥口宣

元祐二年九月二日

有敕卿翰屏西服威懷種羗嚴兵盛秋得雋戎落特遣勞問仍示寵頒

賜陝府西路轉運判官孫路銀合茶藥口宣

元祐二年九月五日

有敕汝以職事出按邊防屬此軍興想勞心計宜加寵錫以示眷懷

賜陝府西路轉運司勾當公事游師雄銀合

茶藥口宣

元祐二年九月五日

有敕汝以儒臣習知疆政三事靡盬周爰咨謀宜有寵頒以旌勲瘁

西京會聖宮應天禪院奉安

神宗皇帝御容奏告

諸帝祝文

元祐二年九月六日

於穆

神考陟配在天有嚴祠宮後祀

我祖時日

協吉聖靈其安寵綏後人永錫純嘏

西京應天禪院會聖宮奉安

神宗皇帝神御祝文

元祐二年九月六日

於皇在天不冒下土矧此山陵之近顧瞻兩都宅於

嵩洛之間上聯五聖有嚴淨宇會聖宮改為真館祗奉時顏

願追梵釋之遊會聖宮改為真館永答人天之望

生擒西蕃鬼章奏告 永裕陵祝文 元祐二年九月

日五

大獮獲禽必有拍蹤之自豐年高廩孰知耘耔之勞
憬彼西戎古稱右臂自嘉祐末木征擾邊至熙寧中
董檀方命於赫聖考恭行天誅非貪尺寸之疆蓋為
民除蠱孽遂建長久之業不以賊遺子孫而西蕃大
首領鬼章首犯南川北連拓拔申命諸將擇利而行
旋聞偏師無往不克吏士用命爭酬未報之恩 聖

靈在天難逃不漏之網已於八月戊戌生獲鬼章頡
利成擒初無渭水之恥郵支授首聊報谷吉之寃謹
當推本聖心益脩戎略務在服近而來遠期於偃革
以息民仰冀威神曲垂昭鑒

賜太師文彥博上第一表乞致仕不允批荅

元祐二年九月八日

省表具之卿之求去蓋數矣言不為不切而朕終莫
之從朕之留卿亦至矣禮不為不盡而卿終莫之亮
君臣之際情不相喻朕甚疑之夫樂丘園而厭軒冕
亦古人之一節而非聖賢之高致尊者老以重 朝廷

蓋天下之大計而非沖人之私欲與其使朕屈公議
以從卿曷若卿少貶其私意以徇天下乎

賜太師文彥博上第一表乞致仕不許批荅

元祐二年九月八日

覽表具之卿之所以欲去者二疲於朝會勞於應物
一也功成身退欲享其樂二也而吾之所以必留者
三卿以傑人之資開物成務世不可闕一也弼亮
四朝更涉變故謀無遺策二也名冠天下進退之間
為國休戚三也吾方盡養老之道殺禮以優賢廟堂
之上猶有足樂則夫卿之欲去者可回而吾之必留

者蓋不可易也

賜太師文彥博乞致仕第一表不允批荅口

宣元祐二年九月九日

有敕朕上承慈訓下酌民言秉國之成非卿莫可來
請雖切朕意不移

賜太師文彥博乞致仕不許斷來章批荅

元祐二年九月十一日

覽表具之為君難為臣不易非吾推誠無疑不能起
卿於安佚非卿忘身徇國不能從我於艱難名用之
初中外相慶搢紳莫不競勸父老至於涕流中道而

歸其義安在宜思一身之樂輕於社稷毋使庶人之
議及於朝廷

賜太師文彥博乞致仕不允斷來章批荅
元祐

二年九月十一日

省表具之君子安身業德如山嶽之鎮開物成務如
江河之流若山嶽之鎮動搖不安江河之流行止自
便則物將交病人之何觀朕之望卿無以異此宜守
不移之志以成可大之功

賜太師文彥博乞致仕不允斷來章批荅
口

宣元祐二年九月十一日

有勅卿望重百辟威聞四夷進退之間輕重所寄毋
煩屢請朕命不移

賜太師文彥博乞致仕不允詔
元祐二年九月十日

敕彥博卿求退之意著於士民執謙之心信於天地
勉當委重之託初無懷祿之嫌大義苟安細故可略
朕命不再卿其少安

賜太師文彥博乞致仕不許詔

敕彥博論道則忘年卿不可以年既高而為請稱德
則鄙力卿不可以力不足而為詞斷之於中義有不
易豈以屢請之故而廢將成之功體君至懷以慰公

議

十月一日永裕陵下宮開啓資薦

神宗皇帝道場齋文元祐二年九月十一日

橋山永望莫瞻弓劍之餘陽月載臨徒增霜露之感
招延淨衆崇建梵筵庶集勝因仰資真馭

撫問秦鳳等路臣寮口宣元祐二年九月十八日

有敕卿等綏馭兵民布宣條教眷惟忠藎想極劬勞
屬此早寒各宜厚愛

西京會聖宮應天禪院奉安

神宗皇帝御容禮畢開啓道場齋文元祐二年九月

十七日

原廟告成神游既真雖 聖靈之無礙對越在天從
世法之有為歸依於佛普願幽明之域悉登淨妙之
庭集此勝因以資仙馭

白溝驛傳宣撫問大遼賀興龍節人使及賜

御進口宣元祐二年九月十二日

有敕卿等速馳信帶來慶誕辰念此情塗喜於入境
宜加燕勞以示眷存

西京會聖宮應天禪院奉安

神宗皇帝御容前一日奏告永裕陵祝文元祐

二年九月三日

國家推本漢儀立郡國之廟參用唐制就佛老之祠
乃眷洛都載瞻園寢並興靈宇以奉神嬉閔惟冲人
恭蹈成憲謹擇良日臨遣近臣庶回日月之光少荅
人天之望

沿路撫問奉安

神宗御容禮儀使吕大防已下口宣

元祐二年九月二

日十二

鄭州

有敕卿等恭持使節祗事祠宮凌涉郵途實勞所處

特加存問以示眷懷

鞏縣

有敕卿等出使別都展儀原廟銜涉微稟勤勞遠涉
體此眷懷宜加調衛

西京

有敕卿等暫去闕庭服勤郵傳奉祠之重率禮為勞
已事遂歸式符眷遇

賜嗣濮王宗暉生日禮物口宣

元祐二年九月二日

有敕流澤之深積慶之厚嘉此良日篤生賢王受茲
多儀永錫難老

永裕陵十月旦表

戒寒堽戶倏及於秦正前悔行陵祗循於漢禮恭惟
謚號皇帝懿文緯世厚德載時休老勞農追述養民
之政厲兵講武敢忘經國之誅永望寢園益增感慕
西京會聖宮應天禪院奉安

神宗御容禮畢押賜禮儀使已下御筵口宣

元祐二年九月二十一日

有敕卿等既成原廟復奠神游乃眷元臣往嚴盛禮
宜均燕衍以示眷存

賜龍圖閣直學士尚書工部侍郎蔡延慶乞

知應天府不允詔元祐二年九月十六日

敕延慶入侍禁近出殿藩服已試之效藹然有聲今
若予工宜有餘力夫游刃肯察尚不辭難退食委蛇
豈當告病膚理微疾行當自痊勉安厥官以稱朕意
賜外任臣寮等進奉坤成節功德疏詔敕書

元祐二年九月二十四日

敕馮京職雖在外忠不忘君集勝妙之良因致壽康
之善禱眷言誠盡良極歎嘉

賜朝奉郎通判梓州趙君奭進奉坤成節無
量壽佛敕書元祐二年九月二十四日

敕趙君奭相好妙嚴衷誠傾盡汝期乃后享無量之
年吾欲斯民同極樂之世永言忠愛良用歎咨

趙州賜大遼皇帝賀興龍節大使茶藥詔
元祐

二年九月二十七日

敕隣歡載講使節甚華永言郵傳之勤適此風霜之
候宜加寵賚以示眷存

趙州賜大遼皇帝賀興龍節副使茶藥詔
元祐

二年九月二十七日

敕卿載馳遠道良苦祈寒豈無藥物之嘉以輔寢興
之節宜膺寵錫尚體至懷

神宗皇帝御容至會聖宮并應天禪院前一

日奏告 諸帝祝文

三靈眷命 六聖在天崧洛之間仙釋所館惟茲吉
禘之始當祔出游之庭念彼元臣昔皆備食一新惟
肖之像永陪如在之神敢冀威靈曲垂昭鑒

十月朔本殿夫人往永裕陵酌獻

神宗皇帝表本

雨霜墮籜感閉塞於天時收潦滌場思艱難於王業
恭惟 尊謚皇帝禹功紀地堯則惟天威加四夷尚
餘肅物之凜仁及萬彙永同挾纘之溫省奉無期瞻

敕趙君奭相好妙嚴衷誠傾盡汝期乃后享無量之
年吾欲斯民同極樂之世永言忠愛良用歎咨

趙州賜大遼皇帝賀興龍節大使茶藥詔

二年九月二十七日

敕隣歡載講使節甚華永言郵傳之勤遠此風霜之
候宜加寵賚以示眷存

趙州賜大遼皇帝賀興龍節副使茶藥詔

二年九月二十七日

敕卿載馳遠道良苦祈寒豈無藥物之嘉以輔寢興
之節宜膺寵錫尚體至懷

神宗皇帝御容至會聖宮并應天禪院前一

日奏告 諸帝祝文

三靈眷命 六聖在天崧洛之間仙釋所館惟茲吉
禘之始當祔出游之庭念彼元臣昔皆侑食一新惟
肖之像永陪如在之神敢冀威靈曲垂昭鑒

十月朔本殿夫人往永裕陵酌獻

神宗皇帝表本

雨霜墮籜感閉塞於天時收潦滌場思艱難於王業
恭惟 尊謚皇帝禹功紀地堯則惟天威加四夷尚
餘肅物之凜仁及萬彙永同挾纊之溫省奉無期瞻

懷靡極

賜熙河路副總管姚兕等銀合茶藥口宣

元祐二年九月十四日

有敕卿以武略過人忠義思報焚蕩虜境宣明國威特示寵頒以觀來效

賜尚書左丞劉摯生日詔

元祐二年九月二十二日

敕劉摯律協應鍾辰集析木實生俊輔休有令名膺我寵章以介眉壽

東坡內制集卷第四

東坡內制集卷第五

神宗皇帝御容進發前一日奏告諸宮觀寺處

青祠元祐二年九月二十五日

嵩洛之間山陵所在嚴道釋之淨宇奉衣冠之別祠恭擇良辰啓行仙馭敢徵福於群聖庶流祉於含生仰叩真靈異垂昭監

神宗皇帝御容進發前一日奏告天地社稷宗

廟等慶祝文

祇畏天明率循祖武進衣冠之原廟鎮崧洛之靈祠恭擇良辰啓行仙馭分遣執事並告有神

賜涇原路經略使并應守城禦賊漢蕃使臣已

下銀合茶藥兼傳宣燕問口宣元祐二年九月五日

有敕戎虜逆天無故犯順忠義所激戰守有方持角相望示以形勢犬羊自遁亭候無虞爰念勤勞不忘嘉歎

賜太師文彥博生日詔元祐二年九月二十九日

敕彥博陽月載臨剛辰協吉篤生元老弼亮四朝允為廊廟之華豈獨闔門之慶往膺寵數永錫壽祺

賜大遼賀正旦人使白溝驛御筵并撫問口宣

元祐二年九月七日

有敕卿等遠馳華節冒履薄寒眷言郵傳之勤少樂燕嘉之賜往申寵問式示眷存

賜資政殿學士太中大夫新知成都府王安禮

乞知陳穎等一郡不允詔元祐二年十月一日

敕安禮朕惟西蜀地狹而賦重人懦而吏肆徭役新定農民在官馭之無方將不勝弊惟朕左右信臣明而不苛寬而有斷必能肅遏慢吏扶養小弱卿雖微疾強為朕行時近藥石勉事道路稱朕意焉

皇帝達

太皇太后賀大遼皇帝生辰書元祐二年

寒律既周誕辰載紀恭被 慈闈之誨俾脩慶幣之儀永介壽康式符頌禱更祈調衛以副願言

皇帝賀大遼皇帝生辰書

元祐二年

大呂還宮攝提正丑載協誕彌之慶永膺壽考之祥臨遣使輶往陳信幣其為欣禱莫盡名言

泃路賜奉安

神宗御容禮儀使呂大防銀合茶藥詔

元祐二年十月七日

敕大防於赫 神考如日在天雖光明無所不臨而躔次必有所舍肆予命爾祗奉此行禮既告成勤亦良至感慕之外嘉歎不忘

泃路賜奉安

神宗御容押班馮宗道并內臣等銀合茶藥敕

書

元祐二年十月七日

敕馮宗道逮事有年追遠不懈屬祠宮之告具驂日馭以邁征往復之間忠勞亦至特加存問尚體至懷泃路賜奉安

神宗御容禮儀使呂大防押班馮宗道并使臣

已下銀合茶藥兼傳宣撫問口宣

元祐二年十月七日

有勅 卿祗率宮常往嚴像設屬此寒凝之候眷言往返之勞式示寵綏特加優錫

太皇太后 皇太后 皇太妃受冊禮畢奏謝
天地社稷宗廟諸宮觀并諸陵青詞齋祝文概

二年九月
二十七日

至哉坤元政必先於治內養以天下孝莫大於尊親
昔首正於號名今復嚴於典冊禮樂既具神人允諧
分命邇臣諸陵政分命爾臣
字作分命有司恭致成事仰祈昭鑒永
錫鴻休無任懇倒之至

太皇太后 皇太后 皇太妃受冊禮畢祭諸

神廟祝文元祐二年九
月二十七日

至哉坤元政必先於治內養以天下孝莫大於尊親

昔首正於號名今復嚴於典冊禮樂既具神人允諧
分命有司往告成事庶祈靈祐永保鴻休

隆祐宮設慶宮醮青詞

伏以長樂告成光動紫宮之象清都下照誠通絳闕
之僊祇率多儀肅陳菲薦永惟慈孝之本克享天人
之心介萬壽之無彊錫五福之純備無任懇禱之至
賜太師文齊博生日禮物口宣元祐二年
十月五日
有敕卿勲在廟社名聞華夷允儲河嶽之靈宜享喬
松之壽往頒寵數以慶佳辰

賜南平王李乾德曆日敕書元祐元年
十月八日

敕乾德眷彼海隅被予聲教宜有王正之賜以爲農
事之祥動卹遠民以問嗣歲

永裕陵十二月旦表本

伏以商正紀曆大呂旋宮論時令以待來歲之宜獻
民力以共宗廟之祀恭惟 謚號皇帝至仁無外全
德難名文物聲明但覩乘時之迹昆蟲草木孰知成
歲之功急景易遷永懷何極

皇帝達

太皇太后賀大遼皇帝正旦書

元祐二年

歲聿肇新鄰歡載講恭被

慈闈之誨遠通慶幣

之誠益冀保頤永綏壽域

皇帝賀大遼皇帝正旦書

三陽朋來慶三儀之交泰 兩朝繼好納萬民於昇
昌申勅使車肅將禮幣願符善禱永介純釐

冬季傳宣撫問諸路沿邊臣寮口宣

元祐二年十一月十八日

有敕卿等守禦邊疆憂勞夙夜屬茲寒沍想各康強
特示眷存徃申勞問

賜新除龍圖閣直學士依前中散大夫陳安石

辭免恩命不允詔

元祐二年十一月十八日

敕安石士出身從仕少壯陳力耆老守節朕必有以

寵綏之卿達事四朝敷歷中外號稱良能不見過失
書閣之拜衆以為宜無復固辭以遂成命

賜資政殿學士太中大夫新差知成都府王安

禮銀合茶藥詔

元祐二年十月八日

敕安禮朕求治如不及用人惟恐失之矧余良臣惟
自神考出入中外厥聲藹然朕豈欲其遠去哉特以
全蜀之寄甚難其選知卿篤於忠義當不以遠近為
意也勉事道路慎疾自愛住安吾民以稱朕意

撫問知河南府張琛知永興軍韓縝口宣

元祐二年

十月十八日

有敕卿輟自廟堂出為師帥勞於綏御寬我顧愛屬
此寒凝勉加順養

冬季撫問陝西轉運使副口宣

元祐二年十月十八日

有敕卿等歲事將畢農工既休永言乘傳之勞未遑
退食之佚勉加輔養尚副眷懷

賜資政殿學士新差知成都府王安禮詔書銀

合茶藥傳宣撫問口宣

元祐二年十月二十七日

有敕卿西南之寄古今所難蓋自祖宗以來或輟
鈞衡之舊與衆同樂非卿敦宜

賜皇弟鎮寧軍節度使開府儀同三司遂寧郡

王佶生日禮物口宣

元祐二年十月一日

有敕乃眷賢王惟予介弟篤生茲日流慶方來往致
子言以為爾壽

趙州賜大遼賀興龍節使副茶藥口宣

元祐二年十月一日

有敕卿等久懃輶傳遠涉風埃既漸適於中邦方少
安於候館往頒珍劑以示眷懷

雄州撫問大遼賀興龍節使副口宣

元祐二年十月十七日

有敕卿等恭修鄰好遠慶誕辰眷惟授館之初益喜
造朝之近往申問勞式示眷存

雄州撫問大遼賀正旦使副口宣

元祐二年十月十八日

有敕卿等遠會春朝篤修鄰好言念秉輶之久欣聞
入境之初式示眷存往申問勞

元祐三年春貼子詞

皇帝閣六首

其一 五言

藹藹龍旂色琅琅木鐸音數行寬大詔四海發生心

其二

賜谷賓初日清臺告協風願如風有信長與日俱中

其三

草木漸知春萌芽處處新從今八千歲合抱是靈椿

其四 上言

聖主憂民未解顏天教瑞雪報豐年蒼龍掛開農祥
正父老相呼看藉田

其五

昨夜東風入律新玉闥知有受降人聖恩與解河湟
凍得共中原草木春

其六

翰林職在明光裏行樂詩成拜舞中不待驚開小桃
杏始知天子是天公

太皇太后閣六首

其一 五言

凋刻春何力欣榮物自知發生雖有象覆載本無私

其二

小殿黃金榜朱簾白玉鈎一聲雙日蹕春色滿皇州

其三

仗下春朝散宮中晝漏稀兩廂休侍衛應下讀書幃

其四 七言

五日占雲十日風憂懃終歲為三農春來有喜何人
見好學神孫類祖宗

其五

共道十年無臘雪且欣三白壓春田盡驅南畝扶犁
手稍發中都朽貫錢

其六

不獨清心能省事應緣克己自消兵傳聞塞外千君
長欲起新年賀太平

皇太后閣六首

其一 五言

寶冊瓊瑤重新庭松桂香雪消春未動碧瓦麗朝陽

其二

瑞日明天仗仙雲擁壽山倚欄春晝永金母在人間

其三

朝罷金鋪掩入闈寶瑟塵欲知慈儉德書史樂青春

其四 七言

仙家日月本長閑迭臘迎春豈不然翠管銀罌傳故
事金花綵勝作新年

其五

彤史年來不絕書 三朝德化婦承姑宮中侍女咸
珠翠雪裏貧民得袴襦

其六

邊庭無事羽書稀闕遣詞臣進小詩共助至尊歌喜

事今年春日得春衣
皇太妃閣五首

其一 五言

葦排猶在戶椒栢已稱觴
歲美風先應朝回日漸長

其二

甲觀開千柱飛樓擢九層
雪殘烏鵲喜翔舞下觚稜

其三 七言

孝心日奉東朝養
儉德應師大練風
太史新年瞻瑞氣
四星明潤紫宮中

其四

九門挂月未催班
清禁風和玉漏閑
崇慶早朝銀燭下
珮環聲在五雲間

其五

東風弱柳萬絲垂
的皪殘梅尚一枝
蠶館乍欣蟻浴後
棊壇猶記燕來時

夫人閣四首

其一 五言

綵勝縷新語酥盤滴小詩
昇平多樂事應許外庭知

其二

細雨曉風柔
春聲入御溝
已漂新荇沒
猶帶斷水流

其三 七言

扶桑初日映簾昇已覺銅餅暖不冰
七種共挑入日菓千枝先剪上元燈

真四

雪消鴛瓦已流澌風暖犀盤尚鎮帷
縹眇紫簫明月下璧門桂影夜參差

皇帝回大遼皇帝賀興隆節書 元祐二年

誕日載臨鄰懼歲講封疆雖遠晷刻不踰
惟信睦之交修識情文之兩至益深雅好良極欣悰

皇帝達

太皇太后回太遼皇帝問候書 元祐二年

嘉平紀月震夙惟時屬茲慶使之來重以
慈闈之問尋因省侍悉致誠言欣感之深
懇陳罔究

賜宰相呂公著生日詔 元祐二年十月十八日

敕公著姆三世將相 四朝耆老齊我良弼
實惟茲辰茂膺維嶽之靈永錫如陵之壽
就頒寵數以示眷懷

賜宰相呂公著生日禮物口宣 元祐二年十月十八日

有敕卿仁以庇民忠以衛上誕彌之日慶慰良深
往錫寵章以介眉壽

冬季撫問諸路沿邊臣寮口宣

元祐二年十月十八日

有款卿等分憂久外並塞早寒眷此勤勞形於軫念往加勞問式示眷存

賜于闐國進奉人進發前一日御筵口宣

元祐二年

十月二十九日

有敕汝等奉琛來覲已事言歸式嘉慕義之誠宜有勞還之澤往頒燕衍祇服恩私

賜外任臣寮曆日敕詔書

元祐二年十月四日

敕韓績朕肇修八紀祇畏天明欽若舊章式頒新曆凡我承流之寄共成平秩之功

班荆館賜七遼賀正旦人使到關御筵口宣

二年十月四日

有敕卿等夙抗休旌少休郊館乃眷川途之邈載惟膝馭之勞特賜燕私以旌懃瘁

班荆館賜六遼賀興龍節人使酒果口宣

元祐二年

十月九日

有敕卿等遠乘使傳方造都門屬此寒凝久於衝涉宜加就賜之禮以示勞來之恩

班荆館賜大遼賀興龍節人使御筵口宣

元祐二年

十一月十一日

有敕卿等遠犯苦寒來修舊好載喜使華之近特申
郊勞之儀服我恩私少留燕衍

賜五臺山十寺僧正省奇等進奉與龍節功

德疏等獎諭敕書

元祐二年十一月一日

敕省奇等清涼之域僊聖所游爰因彌月之辰來獻
後天之祝永言勲至良極歎咨

相州賜大遼賀正旦人使御筵口宣

元祐二年十一月十日

有敕卿等篤修舊好少憇近邇屬冰雪之嚴凝念卓
徒之勤勩往加燕勞式示眷懷

賜諸路臣寮春季銀鞋兼撫問口宣

元祐二年十一月八日

有敕卿等各竭乃心久勞于外屬此寒凝之候永惟
綏馭之勲式示眷存往加勞問

撫問知大名府馮京口宣

有敕卿以元老卧護北門寬我顧憂想勞綏御屬
茲寒沍益務保頌

賜大遼賀興龍節使副鈔鑼等口宣

元祐二年十一月十八日

有敕卿等解駢授館方講於鄰歡遣使勞來宜敦於
主禮往加優錫以示眷懷

賜大遼賀興龍節人使雄州回程御筵口宣

元祐二年十一月十日

二年十月二十八日

有敕卿等聘事既成歸途尚邈屬此冰霜之候眷言來往之勤宜錫燕私少紓行役

賜外任臣寮進奉興龍節馬敕書

元祐二年十月二十四日

敕劉永年汝職在蕃宣義均休戚族庭稱慶因物見誠乃眷忠勤不忘嘉歎

賜知樞密院事安燾已下罷散興龍節道場香

酒果口宣

元祐二年十一月一日

有敕彌月之祥敷天同慶眷股肱之畢力延釋禋以祈年申以寵頒助其愷樂

賜步軍副都指揮使苗授已下罷散興龍節道

場香酒果口宣

元祐二年十一月一日

有敕卿等志在愛君忠於衛上屬誕彌之紀慶修淨供以祈年宜有寵頒以旌勲意

賜大師文彥博已下罷散興龍節酒果口宣

元祐二年十一月一日

有敕卿等以弼量之重散勞王家因誕慶之辰修崇法會宜頒方旨以示眷存

賜大遼賀興龍節前一日內中酒果口宣

元祐二年十一月一日

有敕卿等抗旌就館已觀車騎之華奉幣造朝復歎威儀之美就加寵錫以示眷懃

賜大遼賀興龍節十日內中酒果口宣元祐二年十二月
有敕卿等奉幣講歡造廷稱壽嘉禮儀之閑習宜
寵錫之便蕃受此玆甘以旌眷遇

賜大遼賀興龍節朝辭訖歸驛御筵口宣元祐二年十二月
有敕卿等使事既終陞辭而後少休賓館將整歸
駟特示至懷更頒嘉燕

賜大遼賀興龍節瀛洲回程御筵口宣元祐二年十月
有敕卿等已修舊好復改北轅雖候館之少休眷歸途
之尚邈往頒燕俎以示至懷

賜新除寶文閣直學士李之純辭恩命不允詔元祐二年十月

敕之純祖宗之文章與典謨訓誥並寶於世典領其
事非有德君子雖積勞又次不以輕授蜀遠而人懦
窮困抑塞至無所訴朕專欲以德安之故內閣之命
非獨以寵卿抑將使蜀人知朕用卿蓋以德選也其
深識此意勿復固辭

賜大遼賀興龍節人使朝辭歸驛酒果口宣元祐二年十一月

元祐二年十一月

有敕卿等已事言旋指期夙駕歲寒遠道良用軫
懷宜有寵頒以旌勤奉

賜皇伯祖宗暉已下罷散興龍節道場香酒果

口宣

元祐二年十一月五日

有敕卿等以義重宗藩志存忠愛先期誕月歸命備乘迨茲法會之成宜有分頒之寵

賜大遼賀興龍節人使射弓劄物口宣

元祐二年十一月五日

有敕卿等懷四方之志挾五善之能終日射侯於是觀禮宜申寵錫以達真歡

東坡內制集卷第五

東坡內制集卷第六

賜大遼賀興龍節人使班荆館却回酒果口宣

元祐二年十二月十日

有敕卿等聘事已成征驂言邁往餞於館以華其歸仍有寵頒式昭厚眷

永定院修蓋舍屋奏告 諸帝后祝文

具嚴淨宇祗奉寢園眷惟焚燎之餘少緩增修之役仰祈昭鑒永底燕寧

永定院修蓋舍屋祭告土地祝文

元祐二年十一月十日

伏以向因遺燼延及淨祠爰擇良辰以興衆役宜

茲遣使詔示有神

賜于闐國黑汗王進奉

登位敕書

元祐二年十一月十一日

敕卿守藩西域慕義中華

聞踐阼之新來致梯山之貢眷言忠恪良用歎咨

賜于闐國黑汗王進奉示諭敕書

元祐二年十一月十一日

敕卿遠馳信便來放貢琛載詳重譯之言深亮勤王之意益隆褒賜以答忠誠

賜諸路臣寮中冬衣襖口宣

元祐二年十一月十八日

有敕霜露荐至衣褐未周念我遠臣何以卒歲往均安燠之賜尚體眷懷之深

賜外任臣寮進賀

太皇太后受冊馬詔敕

元祐二年十一月十六日

敕曾布禮以正名國之舊典載闕充庭之實武將戴后之心朕眷忠勤良深嘉歎

賜外任臣寮進奉賀

皇太后 皇太妃受冊馬詔敕

元祐二年十一月十六日

敕曾布典冊告成宮闈之慶事君盡禮因物見誠乃眷忠勤不忘嘉歎

賜保寧軍節度使知大名府馮京進奉賀端午

節馬詔

元祐二年十一月十六日

敕馮京受鉞將壇剖符畿甸效充庭之駿足慶冲火
之良辰乃眷勤誠不忘嘉歎

賜資政殿學士知鄧州韓維進奉謝恩馬詔元祐二年十一月二十六日

元祐二年十一月二十六日

敕韓維廟堂均逸遠不忘君駟駿在庭儀名於物載
惟忠盡良極歎咨

賜檢校司空左武衛上將軍郭逵進奉謝恩馬

詔元祐二年十一月二十六日

敕郭逵惟卿耆老漸就退閑不忘戴主之誠遠效充
庭之駿載嘉忠盡良極歎咨

賜溪洞彭儒武等進奉興龍節浚布敕書元祐二年十一月二十八日

元祐二年十一月二十八日

敕彭儒武汝世能保境志在觀光遠修仁土之宜來
備充庭之實載惟忠恪良極歎嘉

接伴大遼賀興龍節人使送伴回程與大遼賀

正旦人使相逢撫問口宣元祐二年十一月十七日

有敕卿等並駕使輶遠敦隣好屬風霜凝冽歷川

陸之阻脩宜示眷懷特申問勞

趙州賜大遼賀

太皇太后正旦大使奉詔元祐二年十一月十七日

敕卿久勤輶傳遠犯風埃春言行邁之勞良極軫懷
之意往頒珍劑以輔至和

趙州賜大遼賀

太皇太后正旦副使茶藥詔元祐二年十月十七日

敕卿遠乘使傳來講鄰惟屬此泫寒尚勲行役往
加問勞式示眷懷

趙州賜大遼賀

皇帝正旦大使茶藥詔元祐二年十月七日

敕卿遠慶春朝篤修鄰好永惟使事之重遂忘行
役之勞既極歎嘉宜申問勞

趙州賜大遼賀

皇帝正旦副使茶藥詔元祐二年十月七日

敕徂歲向晚脩途苦寒方趨造於會朝未即安於舍
館往加恩錫增重使幸

趙州賜大遼賀

太皇太后正旦使副茶藥口宣元祐二年十月十七日

有敕卿等遠馳使傳方次州封念此寒凝艱於涉履
特申寵錫以示眷存

趙州賜大遼賀

皇帝正旦使副茶藥口宣元祐二年十月十七日

有敕卿等遠修聘事來會歲元眷言夙駕之勤宜有
中途之賜受茲珍品喻我至懷

相州賜大遼賀興龍節使副御筵口宣元祐二年十二月一日

有敕卿等犯寒遠道弭節近邦少休夙駕之勞式示
加遷之惠服我寵數以增使華

相州賜大遼賀興龍節使副却回御筵口宣元祐二年十二月一日

有敕卿等聘事告成還車言邁改轅北道弭節近邦
眷言行役之勞宜有燕私之寵

賜皇伯祖高密郡王宗晟已下罷散興龍節

道場香酒果口宣元祐二年十一月一日

有敕卿等以垂重宗為駙馬改威蕃志存忠愛先期誕月
歸命佛乘速茲法會之成宜有分頒之寵

賜樞密院事安燾已下罷散興龍節道場酒

果口宣元祐二年十一月一日

有敕誕彌之慶餘宇所同矧我臣工方茲燕喜宜有
柔嘉之賜以成豈弟之肇

賜齊陽郡王曹佺罷散興龍節道場酒果口

宣元祐二年十一月一日

有敕卿位重庶蕃望隆耆德歸誠靈苑增祝壽山宜

有寵頒以昭厚眷

賜殿前都指揮使燕達已下罷散與龍節道場香

酒果口宣元祐二年

有教卿等志在愛君忠於衛上屬誕彌之紀慶脩淨
供以祈年宜有頒寵以旌勤意

內中御侍以下賀

皇帝冬至詞語元祐二年十一月十日

伏以月臨天統首冠於三正氣應黃宮復采於七日
君道寔長揚德元亨恭惟皇帝陛下清明在躬仁
孝遍物垂衣南面天何言而四時成問學西清日將

旦而群陰伏簡夷奔走年穀順成豈惟四海之歡心
自識三靈之陰贊如川方至受命無疆妾等特罪掖
庭備真婦共慶一陽之節敢陳萬歲之觴

內中御侍以下賀

太皇太后冬至詞語

伏以消長有時惟微陽之來復賢愚同慶知君子之
彙征德化所加神入並應恭惟

太皇太后陛下睿明天縱慈儉身先振河嶽以不傾
地無私載順陰陽而自化天且不違成功已陋於漢
唐論德蓋高於任如大有上吉方獲助於三靈既醉

太平當純備於五福妾等職忝長御心奉
慈闈慶湯德之用來頌天壽之平格

內中御侍以下賀

皇太后冬至詞語

伏以蒙賚奏功驗人和於緹室自官占物效歲美於
黃雲慶自宮庭澤均海宇恭惟

皇太后殿下輔佐內治儀刑王家推美國風夙茂周
南之化考祥義易共成坤厚之功方迎日於三微敢
稱編於萬壽豈獨宮闈之願實同中外之禱妾等猥
以微軀被蒙

慈渥仰獻岡陵之祝庶殫草木之誠

就驛賜大遼賀興龍節人使宴口宣

元祐三年二月十一日

有敕佳辰紀慶聘事告成申勅臣隣往就舍館同茲
衍樂服我惠慈

就驛賜大遼賀興龍節人使宴花酒果口宣

元祐

二年十一月十一日

有敕卿等遠勤使傳來慶誕辰臨遣重臣往頒燕俎
仍加寵錫以示至懷

賜大遼賀正旦使副銀鈔鑼等口宣

元祐二年十一月十一日

十月二日

有敕卿等通兩國之權不遠千里驅一乘之傳來慶
三朝宜有寵頒以昭異眷

相州賜大遼賀正旦人使却回御筵口宣

元祐二年

十二月十四日

有敕卿等復理歸鞍少休輔郡念北轅之首路犯西
陸之餘寒徃致恩勤曾留燕衍

賜大遼賀正旦人使却回雄州御筵口宣

元祐二年

十二月十四日

有敕卿等遠勤郵傳冒涉冰霜眷言徃復之勞已次
封圻之上宜頒嘉燕以示至懷

賜大遼正旦人使生餼口宣

元祐二年十一月二十四日

有敕卿等郵傳遠勤舍館既定宜敷主禮以犒馭徒
往錫餼牽少紓勞瘁

賜太師文彥博乞致仕不許詔

元祐二年十一月二十五日

敕彥博卿自去歲以來數苦小疾尚能勉留以輔不
逮近者神明所相體力自康視聽不衰步趨加健乃
欲求去耶今御戎之策未有定議京東西河朔荐饑
公私枵然方與二三臣圖之卿未可以即安也

賜文彥博乞致仕不允詔

元祐二年十一月二十五日

敕彥博卿歷相三宗名聞四夷位極一品書考四十

自載籍以來未之聞也固當以國為家以天下為身以安社稷為悅而不當以居丘園為樂也朕方待卿而為政請老之言所未欲聞

送伴正旦使副泐路與賀北朝生辰并正旦使

副相逢傳宣撫問口宣

元祐二年十一月二十五日

有敕卿等銜命出使徂冬涉春適寒苦之倍常知勤勞之加舊勉驅郵傳來造會朝

賜大遼賀正旦入賀畢使副就驛酒果口宣

二年十一月二十六日

有敕卿等既勤闕庭少安館舍宜行慶賜以樂春朝

往致甘芳式華觴豆

賜大遼賀正旦入賀畢使副就驛御筵口宣

二年十一月二十六日

有敕卿等遠抗使旃來陳慶幣春東風之協應嘉上日之同歡宜就驛亭往頒燕豆

賜大遼賀正旦使副前一日內中酒果口宣

二年十一月二十七日

有敕方興嗣歲既餘寒嘉鄰好之篤修念使華之少駐式頒珍異以示眷懷

賜大遼賀正旦却回班荆館御筵口宣

元祐二年十一月二十二日

月二十七日

有敕卿等聘事既成歸途方啓言念改轅之始少留
帳飲之歡往推恩懃下及徒馭

賜大遼賀正旦朝辭訖歸驛御筵口宣元祐二年二月二十七日

有敕卿等寓館久勤筵庭告去不假壺觴之樂曷為
徒馭之華服我恩私少留宴衍

賜大遼賀正旦朝辭訖歸驛御筵酒果口宣元祐二年二月二十七日

元祐二年二月二十八日

有敕卿等聘事告成歸車夙駕屬此寒凝之末眷言

往返之勤錫此珍芳以將寵遇

賜大遼賀正旦使副春幡勝口宣元祐二年二月二十九日

有敕剪刻之工風俗惟舊眷皇華之在館屬春陽之
肇新宜有分頒以增賁飾

賜大遼賀正旦使副射弓例物口宣元祐二年二月二十九日

有敕卿等出遊禁籞觀藝射侯弓矢既均禮儀卒度
宜加寵賜以侑燕歡

皇帝回大遼皇帝賀正旦書元祐三年

獻歲發春方祝永年之慶睦隣敦好益修奕世之歡
信幣精華書詞溫縟再維雅契良極欣悰

皇帝達

太皇太后迴大遼皇帝賀正旦書

元祐三年

正歲履端遠勤於華使慈闈申慶重領於珍函省侍之餘誠言已達永惟欣感莫究言宜

永安永昌永熙永裕陵忌辰奏告

宣祖 太祖 太宗 神宗皇帝表本

元祐二年十一月十一日

月二十七日

伏以卜年之永恩洽於華夷諱日之臨感深於臣子恭惟謚號皇帝文武經世威靈在天每更不樂之辰尚有遺弓之慕山陵永望雨露增懷

永安永昌永熙陵忌辰奏告

昭憲 孝惠 孝明 孝章 淑德 懿德

明德 元德 章懷 章稷 章懿 章惠

章馭明肅皇后表本

元祐二年十一月二十七日

冰雨周南之化刑恭儉於多方渭北之游極望思於原廟恭惟謚號皇后道應圖史德參聖神顧明發之求懷仰徽音之如在載瞻園寢想見衣冠

皇太后殿內人焉

神宗皇帝忌辰朝永裕陵表本

元祐二年十一月二十七日

伏以百年之畏化被於無疆終身之憂感深於不樂

恭惟 謚號皇帝德齊堯禹功陋漢唐道蓋始於正
家謀方貽於燕翼追攀商極慨慕徒深

西京奉安

神宗皇帝御容禮畢西京德音 元祐二年十月十四日

門下朕以寡昧仰繼 聖神顧瞻山陵未忘弓劍之
慕益廣宗廟以奉衣冠之游祇遣輔臣往嚴像設敬
鳳臺之仙宇祭龜洛之仁祠睟表一臨陪京增重山
川改色方貢祥而效孫父老縱觀或大息而流涕宜
施雷雨之澤以吞神人之心於戲好生育物既推
文母之慈崇德措刑終成 神考之志資爾有衆宜

體朕懷

賜中大夫守尚書右丞王存生日詔 元祐三年正月四日

敕王存卿以宏才與聞大政誕日之慶豈惟閨庭寵
錫之隆庶延壽嘏

瀛洲賜大遼賀正旦人使回程御筵口宣 元祐三年正月

五月

有敕卿等來修舊好遠冒初寒涉歷冬春服勤郵傳
式頒嘉燕以答久勞

賜試戶部侍郎趙瞻陳乞便郡不允詔 元祐三年正月

十三日

教趙瞻朕哀顯者舊取其宿望養育俊又待其成材
庶前後相繼朝不之入則堂陛自隆國有所恃方今
在廷之士孰非華髮之良而卿以康強之年為遠引
之計於義未可蓋難曲從

賜保州團練使潞州總管王寶進奉鸞開并到

任馬教書

元祐三年正月七日

教王寶汝以選掄出分憂寄來放充庭之駿以將衛
上之誠再省忠勤良深嘉歎

賜符寧軍節度使知大名府馮京進奉興龍節

并冬至正旦馬

詔元祐三年二月二十五日

教馮京震夙之祥旅庭稱慶歲時之會因物效誠乃
眷元臣實勤典禮多儀克舉屢歎不忘

賜外任臣寮進奉謝恩馬詔教元祐三年二月

教銜思思報因物致誠效茲乘服之良示有驅馳之
志永言忠盡良極歎咨

賜外任臣寮進奉興龍節功德疏詔教元祐三年二月

二十

教誕彌之慶中外所同畢翰衛上之誠來獻後天之
祝永言忠盡良極歎嘉

賜宰相呂公著上第一表乞致仕不允批荅元祐三年

三年二月二十八日

有表具之古者世臣譬之喬木粵自拱把至于棟梁傑然群材之中夫豈一日之力卿擢自仁祖追茲四朝光輔朕躬允有一德不獨卿無心而事自定抑亦民既信而功易成方今布在朝廷豈無豪傑之士猶當養以歲月待其德望之隆卿雖欲歸執未可去宜安厥位以副朕心

賜宰相呂公著上第一表乞致仕不許批荅
嘗美具之卿三世將相一時菁龜不求備以取人則房喬之比其絕遠而無競有謝安之風用能乎輯我

家靖共爾位政在元老人無異詞胡為厭事而求歸不復爲國之長慮方今官冗財匱歲艱民貧天步難安國是未定若方勤於撲斲而遽易於工師人其謂何勢必不可告老之請吾未欲聞

賜宰相呂公著上第一表乞致仕不允批荅口宣

元祐二年三月二十九日

有敕朕以冲眇垂拱仰成卿以耆老圖任共政無故而去於義未安

賜宰相呂公著上第二表乞致仕不許斷來章

批荅

元祐二年三月二十九日

覽表具之難進易退固君子之常節久勞思逸亦老者之至情然心存社稷則常節為輕身繫安危則至情可奪惟卿體國豈待多言苟大義之未安雖百請而何益宜安厥位勿復此心

賜宰相呂公著上第二表乞致仕不允斷來章

批荅

元祐三年三月二十九日

覽表具之宰相不自用人主不自為予欲識人物之忠邪故以卿為水鏡子欲知利害之輕重故以卿為權衡苟明此心雖老猶壯與其輕去軒冕獨善其身孰若優游廟堂兼享其樂益敦此義勿復有云

賜宰相呂公著乞致仕不允斷來章批荅口宣

元祐三年四月十一日

有敕卿望重播紳義均休戚如左右手可須臾離雖屢形於懇詞必難移於朕意

除呂公著特授守司空同平章軍國事加食邑

實封餘如故制

元祐三年四月四日

門下仁莫大於求舊智莫良於用衆既得天下之大老彼將安歸以至國人皆曰賢夫然後用今朕一舉仁智在焉宜告治朝以孚大號金紫光祿大夫守尚書右僕射兼中書侍郎上柱國東平郡開國公食邑

七千一百戶食實封二千三百戶口公著許謨經遠
精識造微非堯舜不談皆聞其語以社稷為悅今先
其心三年有成百揆時敘維乃烈考相于昭陵蓋
清淨以寧民亦勞謙而得士凡我儀刑之老多其賓
客之餘在武丁時雖莫望於前列作召公考固無易
於象賢而乃屢貢封章力求退避朕重失此三益之
友而因勞以萬幾之煩是用遷平王之司釋文昌之任
母廢議論時遊廟堂於越大事雖咨於房喬非如
時莫能果斷重德無逾於郭令而非不度亦寄安危
周俾斯人專羨唐世可特授司空同平章軍國事

加食邑七百戶食實封二百戶餘如故仍一月三赴
經筵二日一入朝因至都堂議軍國事

除呂大防持授太中大夫守尚書左僕射兼門
下侍郎加上柱國食邑實封餘如故制元祐二年四月四日

門下朕聞天子有道其德不可得而名輔相有德其
才不可得而見故漢之文景紀無可書之事唐之房
杜傳無可載之勲當時安榮後世稱頌予欲清心而
省事不求智名與勇功天縱顯思將啓承平之運民
亦勞止循聞休息之期眷予元臣咸有一德咨爾百
辟明聽朕言中大夫守中書侍郎上柱國及郡開國公

食邑二千二百戶食實封三百戶賜紫金魚袋呂大
防造道淳深受才宏毅果藝以達有孔門三子之風直
大而方得坤文六二之動又踐左闈蔚為名臣宜并左
輔之崇兼綜東臺之務加賦進秩寵數益隆得位興
時憂責彌重於戲若古有訓無競維人崔公建中之
風以除吏八百而致裴垕元和之政以薦士三十而
能惟公乃心何遠之有可特授太中大夫守尚書左
僕射兼門下侍郎加上柱國食邑七百元食實封三
百戶

除范純仁特授太中大夫守尚書右僕射兼中

書侍郎進封高平郡開國侯加食邑實封餘如
故制元祐三年

門下朕惟朝廷之盛衰常以輔相為輕重若根本彊
固則精神所衝故為呂臣奉已而不在民則晉文無
復憂色汲長孺直諫而守死節則淮南為之寢謀朕
思得其人付之以政使天下聞風而心服則人主無
為而日尊咨爾在廷咸聽朕命中大夫同知樞密院
事上柱國高平縣開國伯食邑九百元食實封二百
戶賜紫金魚袋范純仁器遠任重才周識明進如孟
子之敬王退若蕭生之憂國朕覽觀仁祖之遺迹

永懷慶曆之元臣強諫不忘喜臧孫之有後我心是
以命召虎以來宣雖兵政之與聞疑遠猷之未究坐
論西省進貳文昌增秩益封兼隆異數於盛時難得
而易失民難安而易危子欲守在四夷以汝為偃兵
之姚宋子欲藏於百姓以汝為思民之蕭曹勉思古
人以稱朕意可特授太中大夫守尚書右僕射兼中
書侍郎進封高平郡開國公加食邑七百戶實封三
百戶勳如故

東坡內制集卷第六



